

Alkitab untuk Anak-anak
memperkenalkan



Nuh dan
Banjir



Allah menunjuk kepada Tuhan dalam Alkitab.

Penulis: Edward Hughes
Alastair Paterson

Digambar oleh: Janie Forest

Disadur oleh: Ruth Klassen

Diterjemahkan oleh: Julie TY

Dihasilkan oleh: Bible for Children
www.M1914.org

©2020 Bible for Children, Inc.

Izin: Saudara mempunyai hak untuk membuat salinan atau
mencetak cerita ini selagi ia bukan dijual.



Nuh adalah seorang yang mengasihi dan memuji Tuhan, dan satu-satunya orang yang baik. Semua orang lain membenci dan tidak mahu mentaati Tuhan.

Satu hari,
Tuhan
berfirman
tentang sesuatu
yang
sangat
mengejutkan.



"Aku akan membinasakan dunia yang jahat ini,"
Tuhan berfirman kepada
Nabi Nuh. "Hanya anda
dan keluarga anda yang
akan selamat."



Tuhan memberi amaran kepada Nuh bahawa banjir akan datang dan menutupi bumi. "Buatlah bagimu sebuah bahtera yang cukup besar untuk keluarga dan banyak binatang," Noah diperintah. Tuhan memberikan perintah yang jelas bagi Nuh.

Nuh menjadi sangat sibuk!



Orang lain mungkin
mengejek Nuh ketika
dia menjelaskan
mengapa ia
membuat
sebuah

bahtera.
Namun, dia
tetap membina
bahtera itu.



Dia juga tetap
menceritakan tentang
Tuhan kepada
orang-orang di
sekitarnya.

Tetapi tidak
ada seorang
pun yang
mendengar katanya.



Nuh mempunyai iman yang besar. Dia percayai Tuhan walaupun hujan tidak pernah turun sebelumnya. Dengan segera bahtera itu siap untuk dipenuhi dengan binatang.



Sekarang binatang-binatang itu datang secara berpasangan dan masuk ke dalam bahtera itu. Tuhan membawa tujuh pasang daripada setiap jenis burung dan binatang yang halal, ...



... sepasang daripada setiap jenis yang tidak halal.
Burung yang besar dan kecil. Binatang-binatang
buas yang kurus dan tinggi berjalan menuju
ke bahtera.



Mungkin orang-orang berteriak menghina Nabi Nuh saat dia mengisi bahtera dengan binatang-binatang. Mereka tidak berhenti berbuat dosa melawan Tuhan. Mereka tidak meminta untuk ikut masuk ke dalam bahtera.





Akhirnya, semua binatang dan burung-burung telah masuk. "Masuklah ke dalam bahtera itu," Tuhan menjemput Nabi Nuh. "Engkau dan seisi rumahmu."





Nuh, isterinya,
tiga orang anak dan
isteri-isteri mereka
masuk ke dalam bahtera.
Kemudian Tuhan menutup pintu!



Hujan pun turun. Satu hujan lebat meliputi bumi empat puluh hari empat puluh malam.





Banjir meliputi
bandar-bandar dan desa-desa.
Saat hujan berhenti, gunung-gunung
yang tinggi juga dliputi air.
Segala sesuatu yang bernafas mati.





Ketika air terus naik, bahtera itu terapung-apung di atas permukaan air. Mungkin gelap di dalamnya, mungkin bergelombang, dan mungkin menakutkan. Tetapi bahtera ini melindungi Nuh dari banjir ini.



Setelah lima bulan banjir, Tuhan menghantar angin kering. Perlahan-lahan, air pun surut dan bahtera itu terdampar di sebuah gunung tinggi bernama Ararat.



Nuh masih tinggal di dalam
bahtera selama empat puluh hari
lagi sampai air surut sama sekali.



Nuh menghantar seekor burung gagak dan merpati keluar dari tingkap bahtera. Kerana tidak dapat mencari tanah yang kering bagi tumpuan kakinya, burung merpati itu kembali kepada Nabi Nuh.



Satu minggu kemudian,
Nuh coba lagi. Merpati
itu kembali dengan
setangkai daun zaitun di
paruhnya. Minggu berikutnya
Nuh tahu bahawa bumi sudah
kering sebab merpati
itu tidak kembali.




Tuhan berkata kepada Nabi Nuh inilah masanya untuk meninggalkan bahtera. Nuh dan keluarganya pun melepaskan binatang-binatang itu.



Betapa senangnya perasaan Nuh pada saat itu. Dia membina sebuah mazbah dan memuji Tuhan yang sudah menyelamatkan dia dan keluarganya dari banjir yang dahsyat itu.





Tuhan
memberikan
satu janji yang
luarbiasa kepada
Nuh. Tidak akan
pernah lagi Tuhan
menghantar

banjir untuk
menghakimi dosa
manusia. Tuhan
memberikan satu
peringatan untuk
janjiNya. Pelangi itu
menandakan janji Tuhan.



Nuh dan keluarganya mencari permulaan baru sesudah banjir. Pada waktu itu, keturunannya akan memenuhi seluruh bumi. Semua bangsa di dunia ini berasal dari

keturunan Nuh dan anak-anaknya.



Nuh dan Banjir

satu cerita dari Firman Tuhan, Alkitab,

terdapat dalam

Kejadian 6-10

"Bila tersingkap, firman-firman-Mu memberi terang, memberi pengertian kepada orang-orang bodoh." Mazmur 119:130



TAMAT



Alkitab memberitahu kita tentang Allah kita yang hebat yang membentuk kita dan ingin kita mengenali Dia.

Allah tahu kita telah melakukan banyak perkara buruk yang dipanggil dosa. Hukuman bagi dosa adalah maut tetapi Allah sangat mengasihi kita. Dia telah mengutus AnakNya yang tunggal, Yesus, mati di kayu Salib dan dihukum kerana dosa-dosa kita. Kemudian Yesus bangkit dan hidup kembali; dan pulang ke syurga! Jika anda percaya kepada Yesus dan meminta Dia mengampuni dosa-dosa kamu, Dia akan melakukannya! Dia akan datang dan tinggal di dalammu sekarang, dan anda akan hidup bersamaNya untuk selama-lamanya.

Jika anda percaya ini adalah benar, katakan ini kepada Allah: Tuhan Yesus, saya percaya bahawa Anda adalah Allah, dan menjadi seorang manusia yang mati untuk dosa saya, dan kini Anda hidup sekali lagi. Sila datang ke dalam hidup saya dan mengampuni dosa saya, supaya saya dapat memiliki satu hidup baru, dan satu hari nanti akan ku bersama dengan Anda selama-lamanya. Bantu saya untuk mentaati Anda dan hidup sebagai anakMu. Amin.

Baca Alkitab dan berbicara dengan Allah setiap hari! Yohanes 3:16

